

fateor, dicta hec, turbationem fortasse suspicans tanti viri, nisi hic ipse adiecisset ridiculose, credere te novam sponsam negligentie huius-
 10 modi causam esse. Si ridiculum est, iuvat ridere tecum sortem mortali-
 um, que per varios agitata casus ad impremeditados fines plerumque
 delabitur, queque ad ortum sepe festinans ceco tramite ducta pre-
 cipitat ad occasum. Iuvat et proprium mirari fatum, qui modo stu-
 dium appetens, solitudinem latebrasque, quamquam ingenium extet
 absimile, novas coniugii angustias introivi. Quodque mirabere ma-
 gis, ne quid ad publicas curas desit, parata classe proxime navi-
 gatura in Siriam, Ciprum adeo, servus de libero, occupatus de expe-
 dito et demum ex clerico negociator effectus. Et, o Deus bone,
 20 quam occulte apud te agitur, quamque mirabiliter humanos casus
 rotari permittis! Quod si forte ex proposito et humana moveris
 affectione, que in viros quoque fortes cadere solet, satis iocundum
 est michi ut apud magistrum virtutum de puxillo homine sermo
 fiat, ita ut non videar, qualiscunque sim, de tua memoria excidisse.

Verum, ut sententiam meam audias in verbis illis, utcunque pro-
 latis, Deum et conscientiam meam testor, nullo unquam tempore
 quam nunc ad te magis affici, nullumque presentius numen quam
 te, si dici fas est, in terris habere. Ab annis enim teneris mirari te
 cepi, te colui, te ducem habui, postremo te ymaginarium vite testem
 volui, ut didicisse memini in quadam epistola tua Epicuri senten-
 30 tiam perhibere. Sic enim me inflexit humanitas tua, sic presentia
 rerum, sic tandem nescio quis secretus ardor, ut sepe neglectis ne
 dicam posthabitis operibus illustrium aliorum, quod cum venia ip-
 sorum dixerim, ad tua precipue suspiravi, eaque undique perqui-
 sivi solícite; et, quod tibi preter credulitatem occurret, centum ego
 epistolas tuas vel prope in diversis partibus sumptas a te, ab ani-
 cis quandoque, nonnunquam furtive, ut fit, etiam ab ignotis apud
 me, ut potui recolegi. Has autem quanti fatiam, quamque difficul-
 ter a me divelli perpetiar, sciunt multi, qui huius studii conscii

Fam. X, 3.

⁹⁻¹⁰ *Vi. M. L. huius.* ¹⁰ *esse]* *Vi M. L. fore.* ¹¹ *M. L. premeditados.*
¹² *Vi. dramite.* ¹⁴ *Vi M. L. extat.* ¹⁵ *L. absimiliter.* ¹⁸ *de expedito]* *om.*
Vat. ¹⁹ *Vat. M. L. quamquam.* ²⁰ *Vi. M. L. noveris.* ²¹ *in]* *om Vi.*
fortes] *om. M. L.* *satis]* *om. L.* ²⁴ *utcunque]* *M. ut tamquam.* ²⁶ *nu-*
men] *M. L. anime (?)* ³⁰ *Vi prohibere.* *enim]* *Vi M. L. denique.* ³⁴ *Vi*
M. L. occurreret. ³⁶ *M. L. quoque* ³⁷ *Vi. quemque.*